

UDHËZIM
Nr. 8, datë 20.5.2026

**PËR DISA NDRYSHIME NË UDHËZIMIN NR. 21, DATË 15.10.2021, “PËR
KRITERET DHE PROCEDURAT PËR NJOHJEN DHE NJËSIMIN NË REPUBLIKËN
E SHQIPËRISË, TË DIPLOMAVE, CERTIFIKATAVE, GRADAVE SHKENCORE DHE
TITUJVE AKADEMIKË, TË LËSHUARA NGA INSTITUCIONE TË HUAJA TË
ARSIMIT TË LARTË DHE INSTITUCIONE TË TJERA TË AUTORIZUARA”, I
NDRYSHUAR**

Në mbështetje të nenit 102, të Kushtetutës së Republikës së Shqipërisë, pikës 6, të nenit 92, të ligjit nr. 80/2015, “Për arsimin e lartë dhe kërkimin shkencor në institucionet e arsimit të lartë në Republikën e Shqipërisë”,

UDHËZOJ:

1. Në udhëzimin nr. 21, datë 15.10.2021, “Për procedurat dhe kriteret për njohjen dhe njësimin në Republikën e Shqipërisë, të diplomave, certifikatave, gradave shkencore dhe titujve akademikë, të lëshuara nga institucione të huaja të arsimit të lartë dhe institucione të tjera të autorizuara”, i ndryshuar, bëhen ndryshimet, si më poshtë:

a) Nënpiakat “i”, dhe “ii”, të shkronjës “b”, të pikës 3, të kreut II, ndryshojnë si më poshtë:

“i. diplomën/certifikatën profesionale ose dokumentin zyrtar përkatës të lëshuar nga institucionet përgjegjëse për lëshimin e kualifikimit në vendin e origjinës, ekuivalent me diplomën që vërteton përfundimin e studimeve, të pajisur me vulë apostile dhe/ose legalizim nga vendi i lëshimit të diplomës, të njësuar me origjinalin (noterizuar), si dhe të përkthyer në gjuhën shqipe nga përkthyes të licencuar në Republikën e Shqipërisë;

ii. suplementin (kur lëshohet nga IAL-ja) e diplomës ose listën e notave të njësuar me origjinalin (noterizuar) dhe të përkthyer në gjuhën shqipe nga përkthyes të licencuar në Republikën e Shqipërisë.”.

b) Pika 3.2 e kreut II, ndryshon si më poshtë:

“3.2 Pas njohjes dhe njësimit të diplomës, QSHA-ja bën llogaritjen e mesatares së vlerësimeve të arritura vetëm me kërkesë të aplikantit brenda 5 (pesë) ditëve pune. Njëvlershmëria e mesatares së vlerësimeve të arritura në shtetin përkatës kryhet për çdo vlerësim/notë që aplikanti ka fituar sipas shtojcës nr. 6, bashkëlidhur këtij udhëzimi dhe pjesë përbërëse e tij.

Për shtete të tjera që nuk pasqyrohen në tabelë, në shtojcën nr. 6, të këtij udhëzimi, njëvlershmëria bëhet në bazë të informacioneve të marra në faqen zyrtare të rrjetit ENIC-NARIC ose agjenci dhe/ose ente akredituese të IAL-ve të huaja.”.

c) Paragrafi i dytë, i pikës 1, të kreut III, ndryshon si më poshtë:

“Përgjashtimisht, procedura përfundon brenda 5 ditëve pune nga data e aplikimit, për diploma/certifikata profesionale të të gjitha formave të studimit të fituara në vendet e BE-së dhe SHBA-së, Britani e Madhe, Kanada, Japoni, Norvegji, Izrael, Zvicër, Islandë, Australi, si dhe Turqi, në rast se suplementi i diplomës dhe/ose lista e notave të saj janë të pajisura me vulë apostile ose legalizim. Në rastet kur QSHA-ja evidenton parregullsi/mangësi në dokumentacionin e paraqitur, mund të nisë procesin e verifikimit të tij, sipas përcaktimeve të këtij udhëzimi.”.

ç) Paragrafi i fundit, i pikës 1.4, të kreut III, ndryshon si më poshtë:

“Në rastet kur dosja është arkivuar për shkak të mosplotësimit të dokumentacionit, aplikuesi kryen aplikim të ri sipas kriterëve të përcaktuara në këtë udhëzim, për të cilin nuk kryen pagesë të re për llogari të QSHA-së.”.

d) Shkronjat “a”, “b” dhe “c”, të pikës 2, të kreut III, ndryshojnë si më poshtë:

“a) kërkon informacion nga IAL-ja vetëm në rastet kur ka dyshim të arsyeshëm ose nga qendrat e rrjetit evropian të informimit dhe njohjes së diplomave (ENIC–NARIC), dhe institucionet përgjegjëse të shteteve të tjera mbi statusin e institucionit të arsimit të lartë, vlefshmërinë e diplomave apo certifikatave, nivelin e tyre sipas kornizës kombëtare apo evropiane të kualifikimeve, nëse programi i studimit i përfunduar nga aplikanti në një institucion të huaj të arsimit të lartë apo institucion tjetër i autorizuar është i hapur/licencuar si program studimi *online*, me përjashtim të programeve të studimit të përfunduara në institucionet e arsimit të lartë të vendeve BE-së, SHBA-së, Britanisë së Madhe, Kanada, Japoni, Norvegji, Izrael, Zvicër, Islandë, Australi dhe Turqi;

b) i kërkon përmes postës elektronike IAL-së përkatëse dhe nga institucionet e tjera përgjegjëse, sipas rastit, konfirmimin e autenticitetit, të paktën dy herë dhe, në rast mospërgjigjeje konfirmimi kërkohet me shkresë zyrtare. Në rast se pas 1 viti nga momenti i kërkesës së konfirmimit ende nuk ka një përgjigje nga IAL-ja, shqyrtimi i aplikimit përkatës ndërpritet dhe dokumentacioni arkivohet në QSHA. Aplikanti njoftohet për vendimin e QSHA-së mbi arkivimin e dokumentacionit. Përjashtohen nga verifikimi i mëtejshëm i autenticitetit aplikimet me dokumentacion të rregullt dhe me suplementin e diplomës të dorëzuar, për sa kohë institucioni që ka lëshuar diplomën është i njohur në vendin e origjinës dhe diploma është fituar në vendet e BE-së, SHBA, Mbretërinë e Bashkuar, Kanada, Japoni, Norvegji, Izrael, Zvicër, Islandë, Australi, si dhe Turqi;

c) kërkon çdo informacion shtesë që e konsideron të nevojshëm për vlerësimin objektiv për njohjen dhe njësimin e diplomës/certifikatës; i kërkon përmes postës elektronike IAL-së përkatëse konfirmimin e autenticitetit, të paktën dy herë dhe në rast mospërgjigjeje, konfirmimi kërkohet me shkresë zyrtare (dërguar me postë zyrtare). Në rast se pas 1 (një) viti nga momenti i kërkesës së konfirmimit me shkresë zyrtare, ende nuk ka një përgjigje nga IAL-ja, shqyrtimi i aplikimit përkatës ndërpritet dhe dokumentacioni arkivohet në QSHA. Aplikanti njoftohet për vendimin e QSHA-së mbi arkivimin e dokumentacionit.”.

dh) Shkronja “a”, e pikës 4, të kreut III, ndryshon si më poshtë:

“a) Diplomat e fituara nga institucionet e huaja të arsimit të lartë, përpara aplikimit të sistemit të Bolonjës në Shqipëri, për të cilat detyrimet e te gjitha viteve akademike sipas kohëzgjatjes së studimeve janë përmbushur deri në vitin 2010, me kohëzgjatje normale minimale 4 (katër) vite (tetë semestra), me kohë të plotë, të njësohen si ekuivalentët e tyre që ofroreshin në institucionet e arsimit të lartë në Republikën e Shqipërisë, në të njëjtën periudhë kohore.”.

e) Në pikën 5, të kreut III, togfjalëshi “...nëpërmjet sistemit *online* me nënshkrim dhe vulë elektronike” zëvendësohet me togfjalëshin “nëpërmjet sistemit *online* me vulë elektronike”.

ë) Pika 6, e kreut III, ndryshon si më poshtë:

“6. Për njohjen dhe njësimin e gradave shkencore “Doktor” ngrihet me urdhër të ministrit përgjegjës për arsimin ose zëvendësministrit të autorizuar prej tij, Komisioni i Njohjes dhe Njësimi të Gradave Shkencore (KNJG), i cili kryesohet nga ministri përgjegjës për arsimin ose zëvendësministri i autorizuar prej tij.”.

f) Pika 6.1, e kreut III, ndryshon si më poshtë:

“6.1 KNJG-ja përbëhet nga kryetari dhe katër anëtarë, personel akademik të kategorisë “Profesor”, të caktuar sipas fushave të studimit dhe kërkimit shkencor, të aplikimeve që vlerësohen. Në varësi të këtyre fushave, ndryshohet edhe përbërja e anëtarëve të komisionit.”.

g) Fjalja e parë, e pikës 6.3, të kreut III, ndryshon si më poshtë:

“6.3 KNJG-ja mbledhet periodikisht në varësi të numrit të aplikimeve, por jo më shumë se 6 (gjashtë) mbledhje në vit.”.

gj) Pika 6.4, e kreut III, ndryshon si më poshtë:

“6.4 Në përfundim të procedurave të shqyrtimit, kryetari dhe anëtarët e komisionit, nënshkruajnë procesverbalin dhe vendimin sipas shtojcës nr. 4, bashkëlidhur këtij udhëzimi dhe pjesë përbërëse e tij. Titullari i QSHA-së lëshon njoftimin e vendimit nëpërmjet sistemit *online* me vulë elektronike.”.

h) Pika 7, e kreut III, ndryshon si më poshtë:

“7. Për njohjen e titujve akademikë të fituar jashtë vendit, ngrihet me urdhër të ministrit përgjegjës për arsimin ose zëvendësministrit të autorizuar prej tij, Komisioni për Njohjen e Titujve Akademikë, anëtarë personel akademik të kategorisë “Profesor”. Komisioni për njohjen e titujve akademikë kryesohet nga ministri përgjegjës për arsimin ose zëvendësministri i autorizuar prej tij dhe përbëhet nga katër anëtarë, të caktuar sipas fushave të studimit dhe kërkimit shkencor të aplikimeve që vlerësohen. Në varësi të këtyre fushave, ndryshohet edhe përbërja e anëtarëve të komisionit.”.

i) Pika 7.1, e kreut III, ndryshon si më poshtë:

“7.1 Sektori i Njohjes së Diplomave në QSHA shërben si sekretariat teknik i komisionit.”.

j) Pika 7.2, e kreut III, ndryshon si më poshtë:

“7.2 Kërkesa për ngritjen e komisionit kryhet nga QSHA-ja, menjëherë pas depozitimit të aplikimit për njohjen e titullit akademik të fituar jashtë vendit, në përputhje me përcaktimet e këtij udhëzimi. “Komisioni për Njohjen e Titujve Akademikë mbledhet periodikisht në varësi të numrit të aplikimeve, por jo më shumë se 6 (gjashtë) mbledhje në vit.”.

k) Pika 7.3, e kreut III, ndryshon si më poshtë:

“7.3 Në përfundim të procedurave të shqyrtimit dhe vlerësimit, kryetari dhe anëtarët e komisionit nënshkruajnë procesverbalin dhe vendimin sipas shtojcës nr. 5, bashkëlidhur këtij udhëzimi dhe pjesë përbërëse e tij. Nëse është vendosur njohja e titullit akademik, titullari i QSHA-së lëshon njoftimin e vendimit nëpërmjet sistemit *online* me vulë elektronike.”.

l) Në pikën 8, të kreut III, togfjalëshi “komisionet *ad hoc* për grada shkencore dhe tituj akademikë...” zëvendësohet me togfjalëshin “Komisioni për Njohjen e Titujve Akademikë...”.

ll) Pika 9, e kreut III, ndryshon si më poshtë:

“9. Vërtetimi i njohjes dhe i njësimit, për diplomat që i përkasin nivelit 5 deri në 8, të Kornizës Shqiptare të Kualifikimeve ose Kornizës Evropiane të Kualifikimeve (përveç gradave shkencore “Doktor”), lëshohet i firmosur me vulë elektronike nga titullari i QSHA-së në dy kopje (njëra kopje ruhet në protokollin e QSHA-së dhe tjetra ruhet në dosjen e aplikimit përkatës në sistemin elektronik).”.

m) Shkronja “e”, e pikës 12, të kreut III, ndryshon si më poshtë:

“e) numrin dhe datën e vendimit të komisionit;”.

n) Pika 2, e kreut VI, ndryshon si më poshtë:

“2. Aplikanti për njohjen dhe njësimin e gradës shkencore “Doktor” ose njohjen e titullit akademik ka të drejtë të bëjë ankim me shkrim kundër vendimit të KNJG-së ose Komisionit për Njohjen e Titujve Akademikë pranë ministrisë përgjegjëse për arsimin, sipas afateve të parashikuara nga Kodi i Procedurave Administrative të Republikës së Shqipërisë.”.

nj) Shtojcat nr. 1, 2, 3, 4, 5, 6 zëvendësohen me shtojcat me të njëjtin numër, bashkëlidhur dhe pjesë përbërëse të këtij udhëzimi.

2. Ngarkohen për zbatimin e këtij udhëzimi Sekretari i Përgjithshëm, Drejtoria e Përgjithshme e Zhvillimit për Arsimin e Lartë dhe Kërkimin Shkencor në Ministrinë e Arsimit, Qendra e Shërbimeve Arsimore dhe komisionet përkatëse.

Ky udhëzim hyn në fuqi pas botimit në Fletoren Zyrtare.

MINISTËR I ARSIMIT
Mirela Kumbaro Furxhi

Shtojca nr. 1

	FORMULAR PËR NJOHJE QENDRA E SHËRBIMEVE	APLIKIMI DIPLOME SHËRBIMEVE	[QR CODE]
--	---	-----------------------------------	-----------

	ARSIMORE MINISTRIA E ARSIMIT	
Nëse keni pyetje, lutemi kontaktoni: Email: senjod@qsha.gov.al Web: www.qsha.gov.al	HAPËSIRË E REZERVUAR VETËM PËR INSTITUCIONIN	
<i>Shënim. Ju lutem plotësoni me kujdes dhe qartë informacionin e kërkuar në fushat më poshtë.</i>		

SEKSIONI A: INFORMACION MBI APLIKANTIN

1. Emri		2. Mbiemri	
3. Emri i babait		4. NID/nr. i identifikimit personal	□□□□□□□□
5. Gjinia	☐ Mashkull ☐ Femër	6. Datëlindja	□□/□□/□□□□
7. Vendlindja		8. Shtetësia	
9. Adresa			
10. Qyteti		11. Bashkia	
12. Kodi Postar	□□□□	13. Email-i	
14. Nr. tel. celular		15. Nr. tel. fiks	

SEKSIONI B: INFORMACION SPECIFIK MBI APLIKIMIN

16. Njohje diplome/titull akademik	☐ Program studimi me karakter profesional pas arsimit të mesëm	☐ Bachelor ☐ Master	☐ Cikël i tretë i studimeve (master ekzekutiv, specializim afatgjatë, doktoratë) ☐ Titull akademik
17. Programi i studimit/titulli akademik që do njihet			
18. Emri i institucionit të arsimit të lartë (IAL)			
19. Pranuar më	□□/□□/□□□□	20. Diplomuar më	□□/□□/□□□□
21. Kohëzgjatja zyrtare (vite)	□□□□	22. Semestra	
23. Niveli i studimeve i kërkuar për pranimin në këtë program studimi	☐ Shkolla e mesme ☐ Bachelor	☐ Cikël i dytë i studimeve (master shkencor/profesional)	☐ Cikël i tretë i studimeve (master ekzekutiv, specializim afatgjatë, doktoratë)
24. Niveli i studimit që mund të ndiqet me diplomën që keni paraqitur kërkesën për njohje	☐ Cikël i dytë i studimeve (master shkencave/profesional)	☐ Cikël i tretë i studimeve (doktoratë) ☐ Post doktoratë	☐ Nuk jep akses në studime të mëtejshme
25. Kontaktet zyrtare të IAL-së, ku jeni diplomuar	Adresa: _____		
	Qyteti _____	Shteti _____	
	Kodi Postar □□□□	E m a i l - i _____	
	Adresa web _____	Nr. tel. fiks _____	

Ky formular është standardizuar nga ADISA AL114012-115

SEKSIONI C: DOKUMENTACIONI I PARAQITUR (VETËM FORMAT PDF-je)

Mënyra e pagesës: Mandat pagese Pagesë online

KLAUZOLA DEKLARATIVE

Deklaroj vërtetësinë e të dhënave dhe dokumenteve të paraqitura. Jam i vetëdijshëm se, në rast deklarimi të të dhënave të pavërteta apo të paraqitjes së dokumenteve të falsifikuara apo me të dhëna jo të vërteta, jam subjekt i masave të parashikuara në Kodin Penal dhe aktet e tjera ligjore e nënligjore në fuqi. Në rast dyshimi për vërtetësinë e informacionit të deklaruar, ministria përgjegjëse për arsimin dhe/ose Qendra e Shërbimeve Arsimore dhe/ose IAL-ja nisin procedurën e kontrollit të tyre duke ia përcjellë këto të dhëna eventualisht edhe organeve kompetente.

Deklaroj nën përgjegjësinë time të plotë se nuk kam aplikuar më parë për njohje dhe njësim të kësaj diplome pranë ministrisë përgjegjëse për arsimin apo Qendrës së Shërbimeve Arsimore.

Unë i/e nënshkruari/a _____ në dijeni të përgjegjësi ve penale që rrjedhin nga deklarimi dhe paraqitja e të dhënave e rrethanave të rreme, nën përgjegjësinë time personale deklaroj se të dhënat e paraqitura në këtë formular janë të vërteta dhe në respektim të ligjit nr. 9887, "Për mbrojtjen e të dhënave personale", të ndryshuar, autorizoj me vullnetin tim të lirë institucionin, të përpunojë dhe të përdorë të dhënat e mia personale, për qëllime statistikore dhe të shqyrtimit të aplikimit.

Njoftojmë se autorizimi i mëposhtëm është vullnetar.

☐ Autorizoj institucionin të përpunojë të dhënat e mia personale (emër, mbiemër, numër telefoni ose email) të mbledhura më sipër, me qëllim zhvillimin e sondazheve të automatizuara për marrjen e opinionit tim, në lidhje me cilësinë e ofrimit të shërbimit. Autorizoj dhe lejoj institucionin që të kërkojë të dhënat e mia arsimore në institucionin e arsimit të lartë që ka lëshuar diplomën për të cilën po aplikoj për njohje dhe njësim.

Nënshkrimi i aplikantit _____

Data □□ / □□ / □□□□

Ky formular është standardizuar nga ADISA AL114012-115

Shtojca nr. 2

QENDRA E SHËRBIMEVE ARSIMORE TIRANË

FATURË PËR ARKËTIM

Datë ____ . ____ .20 ____

Me anë të kësaj fature kërkojmë që Banka e Nivelit të Dytë të pranojë nga klientë (persona/persona fizik/persona juridik) arkëtime, për llogari të institucionit tonë, me emërtime, kode, numër identifikimi dhe shuma, si më poshtë:

Emri i institucionit përfitues		Qendra e Shërbimeve Arsimore (QSHA)	
Kodi i institucionit përfitues		1011055	
Kodi i Degës së Thesarit ku vepron		3535	
Emri, Atësia, Mbiemri i paguesit			
ID-ja e detyrimit	Përshkrimi i të ardhurave emërtimi	Kodi i llogarisë ekonomike	Shuma që arkëtohet (lekë)
	Bachelor, master, specializime afatgjata, tituj akademikë dhe doktoratë, të lëshuara nga IAL-të e huaja, për njohje dhe njësim	7110103	2000

X	TOTALI	X	2000

() lekë

TITULLARI I INSTITUCIONIT

KLIENTI

Shtojca nr. 3

REPUBLIKA E SHQIPËRISË
MINISTRIA E ARSIMIT
QENDRA E SHËRBIMEVE ARSIMORE

Nr. _____ prot.

Tiranë, më _____.____._____

VËRTETIM NJOHJEJE DHE NJËSIMI

Vërtetohet njohja e diplomës/certifikatës së z./znj. _____ (emër, atësi, mbiemër), lëshuar nga _____ (institucioni që ka lëshuar diplomën/certifikatën), _____ (shteti), më datë _____.____._____ (data e lëshimit të diplomës/certifikatës), me program _____-vjeçar (kohëzgjatja e programit të studimit, ____ ECTS (numri i krediteve të fituara në rast kur këto disponohen), me formë studimi _____ në (emërtimi i programit të studimit).

Kjo diplomë/certifikatë njësohet si _____ në Republikën e Shqipërisë.

Ky vërtetim është i vlefshëm, i shoqëruar me diplomën/certifikatën e njohur dhe njësuar.

DREJTOR I PËRGJITHSHËM

Shtojca nr. 4

REPUBLIKA E SHQIPËRISË
MINISTRIA E ARSIMIT

Nr. _____ prot.

Tiranë, më _____.____._____

VËRTETIM NJOHJEJE DHE NJËSIMI

Z./znj. _____ (emër, atësi, mbiemër) ka fituar gradën shkencore “Doktor” në _____ (fushën e studimit), në institucionin e arsimit të lartë “_____” (institucioni që ka lëshuar diplomën/certifikatën), më _____ (data e fitimit), nëpërmjet paraqitjes së disertacionit me temë: “_____” (titulli i disertacionit).

Në mbështetje të vendimit nr. _____, datë _____.____._____, të Komisionit të Njohjes dhe Njësimit të Gradave Shkencore (KNjG) të ngritur me urdhrin nr. _____, datë _____.____._____, “Për ngritjen e Komisionit të Njohjes dhe Njësimit të Gradave Shkencore

(KNjG)”, grada shkencore e sipërpërmendur, e fituar në _____ (shteti), nga _____ (emër, atësi, mbiemër) është e barasvlershme me gradën shkencore “Doktor” në Republikën e Shqipërisë.

Grada shkencore “Doktor” i/e z./znj. _____ (emër, atësi, mbiemër) është regjistruar, me numër rendor _____ në regjistrin shtetëror të gradave shkencore dhe titujve akademikë të fituar jashtë vendit, dhe të mbajtur në Ministrinë e Arsimit.

Ky vërtetim është i vlefshëm, i shoqëruar me diplomën e doktoratës.

Shtojca nr. 5

REPUBLIKA E SHQIPËRISË
MINISTRIA E ARSIMIT

Nr. _____ prot.

Tiranë, më _____._____._____

VËRTETIM I NJOHJES SË TITULLIT AKADEMIK

Z./znj. _____ (emër, atësi, mbiemër) ka fituar titullin akademik “_____” (emërtimin e titullit të fituar), në _____ (fushën e studimit), në institucionin e arsimit të lartë “_____” (institucioni që ka lëshuar titullin akademik), më _____ (data e fitimit të titullit akademik).

Në mbështetje të vendimit nr. _____, datë _____._____._____, të komisionit *ad hoc* të ngritur me urdhrin nr. _____, datë _____._____._____, “Për ngritjen e komisionit *ad hoc* për njohjen e titujve akademikë të fituar jashtë vendit”, titulli akademik i sipërpërmendur, i fituar në _____ (shteti), nga _____ (emër, atësi, mbiemër) është e barasvlershme me titullin akademik “_____” në Republikën e Shqipërisë.

Titulli akademik “_____” i/e z./znj. _____ (emër, atësi, mbiemër) është regjistruar, me numër rendor _____ në regjistrin shtetëror të gradave shkencore dhe titujve akademikë të fituar jashtë vendit, dhe të mbajtur në Ministrinë e Arsimit.

Ky vërtetim është i vlefshëm, i shoqëruar me dëshminë e titullit akademik.

Shtojca nr. 6

TABELA E NJËVLERSHMËRISË SË NOTAVE								
SHTETI		NOTAT						
Nr .	Shqipëri (ekuivalenti)	4	5	6	7	8	9	10
1	AUSTRALI	0–49	50–52	53–56	57–59	60–69	70–79	85–100
2	FRANCË	<10	10	11	12–13	14	15–16	17–20
3	GJERMANI	4.1–5.0	4	3.8–3.9	3.6–3.7	2.6–3.5	1.6–2.5	1–1.5
4	HOLANDË	0–5	-	6–7.49		7.50–7.99	8–8.49	8.50–10
5	IRLANDË	0–39	40–44	45–49	50–59	60–64	65–69	70–100
6	ITALI	0–17	18–19	20–21	22–23	24–26	27–28	29–30
7	KANADA	0–49	50–52	53–55	56–59	60–69	70–79	80–100
8	MBRETËRIA E BASHKUAR	0–39	40–42	43–45	46–49	50–59	60–69	70–100
9	PORTUGALI	0–9	10–13		14–15		16–17	18–20
10	SHBA	0–59	60–69		70–76	77–82	83–89	90–100
11	SPANJË	0–4.9	5–6.9		7–7.5	7.6–8.2	8.3–8.9	9–10
12	TURQI	0–49	50–64	65–69	70–74	75–79	80–89	90–100
13	ZVICËR	0–4	-	4–4.24	4.25–4.49	4.5–4.75	4.76–5.25	5.26–6
14	GREQI	0–4.9	5–6.49		6.50–7.99		8.00–8.49	8.50–10
15	MAQEDONIA E VERIUT	5	-	6	7	8	9	10
16	KOSOVË	5	-	6	7	8	9	10
17	SERBI	5	-	6	7	8	9	10
18	BULLGARI	2/F	2/FX	3/E	3/D	4/C	5/B	6/A
19	MALI I ZI	5	-	6	7	8	9	10
20	KINA	0–59	60–69		70–79		80–89	90–100
21	RUSIA	2	-	3	-	4	-	5

